

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 228552 23 St
Zenica, 18.09.2024. godine

Općinski sud u Zenici, sutkinja Marina Šapina, u stečajnom postupku nad Društvo za proizvodnju, promet i marketing „Interkomerc“ d.o.o. Žepče, Dobojski put br. 29, Žepče, zastupan po punomoćniku Iliji Vidoviću, odvjetniku iz Žepča, odlučujući o prijedlgu privremenog stečajnog upravnika nakon ročišta održanog dana 19.07.2024. godine, u prisustvu privremenog stečajnog upravitelja i punomoćnika predlagatelja Ilije Vidoviće, odvjetnika iz Žepča, van ročišta dana 18.09.2024.god., donio je sljedeće:

R J E Š E N J E

Pozivaju se povjerioci i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbijedenje troškova stečajnog postupka u iznosu od 5.000,00 KM, na depozitni račun ovog suda broj: 134-010-0000044837 otvoren kod ASA Banke d. d. Sarajevo, te da po izvršenoj uplati predujma sudu dostave uplatnicu, kao dokaz da je uplata izvršena.

Ukoliko u ostavljenom roku povjerioci i zainteresirana lica ne predlože otvaranje stečajnog postupka i ne uplate predujam sud će otvoriti stečajni postupak i odmah zaključiti stečajni postupak nad društvom Društvo za proizvodnju, promet i marketing „Interkomerc“ d.o.o. Žepče, Dobojski put br. 29, Žepče, MBS: 1-742.

O b r a z l o ž e n j e

Predlagatelj nad Društvo za proizvodnju, promet i marketing „Interkomerc“ d.o.o. Žepče, Dobojski put br. 29, Žepče, zastupan po punomoćniku Iliji Vidoviću, odvjetniku iz Žepča, je ovome sudu dana 12.04.2023.godine, podnio prijedlog za otvaranje stečajnog postupka nad ovim privrednim društvom, zbog platežne nesposobnosti stečajnog dužnika.

Rješenjem ovoga suda br. 43 0 St 228552 23 St od 11.03.2024.. godine, pokrenut je prethodni postupak radi utvrđivanja uslova za otvaranje stečajnog postupka nad imovinom stečajnog dužnika „NEIMAR-UNKIĆ“ d.o.o. Tešanj, Mrkotić broj 206, Mrkotić i za privremenu stečajnu upraviteljicu imenovana je Amerisa Saletović iz Zavidovića, 8. Marta b.b.

Na ročištu za ispitivanje uvjeta za otvaranje stečaja održanom dana 19.07.2024. godine, privremeni stečajni upravitelj je izjavio da ostaje kod svog izvještaja od 29.04.2024. godine. Navodi da je u postupku izrade izvještaja kontaktirala odvjetnika Ilija Vidović iz Žepča, osnivača i direktora Platiša Slavko, te sa knjigovođom iz KONER d.o.o. Žepče koja vodi poslovne knjige „Interkomerc“ d.o.o. Žepče i šefom Porezne ispostave Žepče Mehić Ašir. Ističe da stečajni dužnik nema poslovnih aktivnosti. Uvidom u poslovnu dokumentaciju i finansijsko poslovanje stečajnog dužnika utvrđeno je da su poslovne knjige uništene u

poplavama 2014. godine, i da privredno društvo ne radi od 2008. godine, isto samo sačinjava finasijski izvještaj, zadnji finasijski izvještaj predat je u nadležnu FIA Ispostava Žepče dana 17.04.2024. godine. Stalna sredstva koje posjeduje privredno društvo nije bilo moguće utvrditi, jer direktor tvrdi da istih nema, nije vršen popis imovine, dok je u finasijskim izvještajima stoji da ima zaliha u iznosu od 151.074,00KM, a tekuća imovina na 31.12.2023. godine iznosi 567.451,00KM, nekretnine, postrojenja i oprema u pripremi iznosi 81.152,00KM. U poslovnim knjiga stoji da u blagajni ima 246,00KM, dok direktor tvrdi da nema ništa. Prema bilansu stanja na dan 31.12.2022. godine pod stavkom potraživanja kupaca i ugovorna imovina stoji iznos od 416.339,00 KM. Stečajna upraviteljica izjavljuje da društvo nema nikakvih poslovnih knjiga niti druge finacijske dokumentacije iz koje bi se moglo utvrditi koja su to potraživanja i prema kome, navodi da je prema izjavi direktora sva finacijska dokumentacija društva uništena prilikom poplave 2014. godine. Stečajna upraviteljica dalje navodi da društvo u svom vlasništvu nema nekretnine dalje, prema dopisu MUPA-ZDK Odsjek za administraciju Žepče od 26.03.2024. godine stečajni dužnik se u evidencijama vodi kao vlasnik teretnog motornog vozila marke Daimler- Benz tip 1635 godina proizvodnje 1986 broj šasine WDB64507615256456 reg oznake 162-J-261 koje je dana 22.10.2008. godine brisano iz evidencije registrovanih vozila po službenoj dužnosti zbog isteka važnosti registracije. Dalje navodi da je u spis uložena ovjerena izjava direktora društva u kojoj isti izjavljuje da je navedeno vozilo rashodovano od perioda odjave 2008-2014. godine a da je ostatak istog u potpunosti uništen 2014. godine u poplavi koja je u bila u sjedištu navedenog pravnog lica. Dalje navodi da je društvo poslovalo u poslovnom prostoru koje nije bilo u vlasništvu stečajnog dužnika. „Interkomerc“ d.o.o. Žepče prema finasijskim izvještajima duguje 527.203,00KM. Privredno društvo „Interkomerc“ d.o.o. Žepče ima otvorena jedan računa u Intesa Sanpaolo banka dd BiH račun broj 15499950000529406 - nema sredstava na računu, blokiran je od 01.08.2007. godine. U radnom odnosu nema ni jednog zaposlenog radnika „Interkomerc“ d.o.o. Žepče ima duga po osnovu rješenja o pokretanju prinudne naplate od strane Porezne uprave F BiH u iznosu od 34.808,69KM. „Interkomerc“ d.o.o. Žepče nema nekretnina u svom vlasništvu, a ni u posjedu, prema podacima dobivenim od Općinskog suda u Žepču i od Općine Žepče. Stečajna upraviteljica izjavljuje da stečajni postupak nije pokrenut u roku od 60 dana od dana nastupanja platežne nesposobnosti.

Privremena stečajna upraviteljica, na snovu svega naprijed navedenog navodi da proizilazi da imovina stečajnog dužnika nije dovoljna da se pokriju troškovi stečajnog postupka, jer stečajni dužnik nema imovinu, te stečajni dužnik ne može nastaviti poslovanje stoga postoje razlozi za otvaranje stečajnog postupka iz razloga platežne nesposobnosti stečajnog dužnika i to u neprekidnom trajanju dužem od 60 dana. Svoje dospjele novčane obaveze nije izmirio od 2008. godine od kada im je blokiran račun. Prijedlog za otvaranje stečajnog postupka je dopušten i osnovan, odnosno podnesen je od ovlaštenog lica od strane direktora, te je prijedlog dopušten i osnovan i da su se stekli zakonski razlozi za otvaranje stečajnog postupka nad pravnim licem jer „Interkomerc“ d.o.o. Žepče u skladu sa članom članom 6. Zakona o stečaju, međutim kako društvo nema nikakve imovine pa ni za troškove stečajnog postupka predlažem da sud pozove povjerioca i zainteresirana lica da u roku od 30 dana predlože otvaranje stečajnog postupka i predujme iznos od 5.000,00 KM na ime troškova stečajnog postupka, te da ukoliko u ostavljenom roku ne predlože i ne uplate predujam sud donese rješenje o otvaranju i zaključenju stečaja nad navedenim stečajnim dužnikom.

Prisutni punomoćnik predlagatelja je izjavio je da ostaje kod prijedloga za otvaranje stečaja te da nema primjedbi ni pitanja na Izvještaj privremenog stečajnog upravitelja, te da je suglasan sa prijedlogom privremene stečajne upraviteljice.

Kako stečajni dužnik ima obaveze, a nema imovine, pa ni za troškove stečajnog postupka, to je sud primjenom odredbe člana 102 st. 7. Zakona o stečaju („Službene novine F BiH”, broj: 53/21) pozvao povjerioci i zainteresirana lica da predlože otvaranje stečajnog postupka i uplate predujam za obezbijeđenje troškova stečajnog postupka. Visina troškova srazmjerno je određena visini troškova koji se očekuju, a koji su potrebni za otvaranje i vođenje stečajnog postupku, a koje je predložila privremena stečajna upraviteljica.

Slijedom navedenog odlučeno je kao u izreci ovog rješenja primjenom odredbe čl. 102 st. 7 Zakona o stečaju (Sl. novine F BiH br. 53/21), a ovim rješenjem povjerioci i zainteresirana lica su upozorena na posljedice propuštanja postupanja po pozivu ovog suda, propisane čl. 102 st. 8 Zakona o stečaju.

POUKA O PRAVNOM LIJEKU:
Protiv ovog rješenja nije
dozvoljena žalba.

Sutkinja:
Marina Šapina